



Broj: 01/14-02-967/23-1
Sarajevo, 14.03.2023.g.

Primljeno: 15-03-2023			
Org. jed.	Broj	Priloga	Vrijednost

PREDSTAVNIČKI DOM PARLAMENTA FEDERACIJE BiH

Dana 14.03.2023. godine održana je 3. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta izgradnja tramvajske pruge Ilidža - Hrasnica,
2. Prijedlog Odluke o prihvatanju zaduženja po Ugovoru o zajmu između BiH i Evropske banke za obnovu i razvoj (EBRD) za realizaciju Projekta Javni prijevoz Sarajevo e-Mobility,
3. Informacija o statusu Agencije za privatizaciju u Federaciji BiH,
4. Rješenje Ustavnog suda Federacije Bosne i Hercegovine, broj: U-27/22 od 19.12.2022. godine, koje je dostavio Ustavni sud Federacije Bosne i Hercegovine,
5. Inicijativa za usklađivanje Prijedloga Budžeta Federacije BiH za 2023. godinu sa Zakonom o zdravstvenom osiguranju FBiH u pogledu finansiranja rada Fonda solidarnosti FBiH, od dana 20.01.2023. godine, koju su dostavili Centri civilnih inicijativa (CCI),
6. Razmatranje predmeta broj U-2/23, U-3/23 i U-4/23, koji je dostavio Ustavni sud Bosne i Hercegovine od dana 24.02.2023. godine radi traženja odgovora po pitanju osporenog člana 29. i 30. Zakona o Poreznoj upravi Federacije BiH ("Službene novine Federacije BiH" br. 33/02, 28/04, 57/09, 40/10, 29/11 – Ustavni sud Federacije BiH, 27/12, 7/13, 71/14, 91/15 i 44/22).

Na osnovu člana 44. a u vezi sa članom 63. Poslovnika Predstavničkog doma Parlamenta Federacije BiH, Odbor podnosi sljedeći:



IZVJEŠTAJ

Ad-1. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta izgradnja tramvajske pruge Ilidža - Hrasnica

Uvodno izlaganje dao je predstavnik Federalnog ministarstva finansija nakon čega je Odbor pristupio glasanju i jednoglasno donio sljedeći

ZAKLJUČAK

Odbor za ekonomsku i finansijsku politiku Predstavničkog doma Parlamenta Federacije BiH prihvata Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta izgradnja tramvajske pruge Ilidža – Hrasnica.

Ad-2. Prijedlog Odluke o prihvatanju zaduženja po Ugovoru o zajmu između BiH i Evropske banke za obnovu i razvoj (EBRD) za realizaciju Projekta Javni prijevoz Sarajevo e-Mobility

Uvodno izlaganje dao je predstavnik Federalnog ministarstva finansija. Nakon uvodnog izlaganja, Odbor je pristupio glasanju i jednoglasno donio sljedeći

ZAKLJUČAK

Odbor za ekonomsku i finansijsku politiku Predstavničkog doma Parlamenta Federacije BiH prihvata Prijedlog Odluke o prihvatanju zaduženja po Ugovoru o zajmu između BiH i Evropske banke za obnovu i razvoj (EBRD) za realizaciju Projekta Javni prijevoz Sarajevo e-Mobility.

Ad-3. Informacija o statusu Agencije za privatizaciju u Federaciji BiH

Sjednici Odbora prisustvovao je Drago Vrbić – zamjenik direktora Agencije za privatizaciju u Federaciji BiH, koji je veoma detaljno upoznao Odbor sa dostavljenom Informacijom o statusu Agencije za privatizaciju u Federaciji BiH. Odbor je obavio diskusiju, tokom koje su članovi Odbora iznijeli svoje prijedloge, primjedbe i sugestije, te na kraju jednoglasno podržali sljedeći



ZAKLJUČAK

1. Odbor za ekonomsku i finansijsku politiku traži od Predstavničkog doma Parlamenta Federacije BiH da zaduži Odbor da zajedno sa Vladom Federacije BiH pokuša iznaći rješenje u vezi ove problematike.

Ad-4. Rješenje Ustavnog suda Federacije Bosne i Hercegovine, broj: U-27/22 od 19.12.2022. godine, koje je dostavio Ustavni sud Federacije Bosne i Hercegovine

Odbor je razmotrio Rješenje Ustavnog suda Federacije Bosne i Hercegovine, broj: U-27/22 od 19.12.2022. godine, te je konstatovao da se slaže sa donesenim Rješenjem Ustavnog suda Bosne i Hercegovine kojim se odbacuje zahtjev za davanje mišljenja o usaglašenosti Nacrta Zakona o minimalnoj plati sa Ustavom Federacije Bosne i Hercegovine, jer ne postoje procesne pretpostavke za odlučivanje.

Ad-5. Inicijativa za usklađivanje Prijedloga Budžeta Federacije BiH za 2023. godinu sa Zakonom o zdravstvenom osiguranju FBiH u pogledu finansiranja rada Fonda solidarnosti FBiH, od dana 20.01.2023. godine, koju su dostavili Centri civilnih inicijativa (CCI)

Odbor je detaljno saslušao sve prisutne predstavnike Federalnog ministarstva zdravstva, Federalnog zavoda zdravstvenog osiguranja i reosiguranja kao i predstavnike Centra civilnih inicijativa, a u vezi podnesene Inicijative od strane Centra civilnih inicijativa od dana 20.01.2023. godine, koja se odnosi na usklađivanje Prijedloga Budžeta Federacije BiH za 2023. godinu sa Zakonom o zdravstvenom osiguranju FBiH u pogledu finansiranja rada Fonda solidarnosti FBiH, Odbor je jednoglasno donio sljedeći

ZAKLJUČAK

Zadužuje se Vlada Federacije BiH da prilikom izrade Rebalansa Budžeta Federacije BiH za 2023. godinu usvoji budžetski zahtjev Zavoda zdravstvenog osiguranja i reosiguranja Federacije BiH za 2023. godinu, te da u DOB-u planira usvajanje budžetskog zahtjeva za period 2023-2025. godina.



Ad-6. Razmatranje predmeta broj U-2/23, U-3/23 i U-4/23, koji je dostavio Ustavni sud Bosne i Hercegovine od dana 24.02.2023. godine radi traženja odgovora po pitanju osporenog člana 29. i 30. Zakona o Poreznoj upravi Federacije BiH ("Službene novine Federacije BiH" br. 33/02, 28/04, 57/09, 40/10, 29/11 – Ustavni sud Federacije BiH, 27/12, 7/13, 71/14, 91/15 i 44/22).

Odbor je zaprimio predmet broj U-2/23, U-3/23 i U-4/23, koji je dostavio Ustavni sud Bosne i Hercegovine od dana 24.02.2023. godine radi traženja odgovora po pitanju osporenog člana 29. i 30. Zakona o Poreznoj upravi Federacije BiH ("Službene novine Federacije BiH" br. 33/02, 28/04, 57/09, 40/10, 29/11 – Ustavni sud Federacije BiH, 27/12, 7/13, 71/14, 91/15 i 44/22), te jednoglasno konstatovao da će se o istom očitovati na sljedećoj redovnoj sjednici Odbora.

Za izvjestioca Odbora na sjednici Predstavničkog doma Parlamenta Federacije BiH određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA

Admir Čavalić